

Ilinniagaqarnermut akiitsut oqilisaassivigineqartar nissaat pillugu Namminersornerullutik Oqartussat Nalunaarutaat

Ilinniagaqarnermut akiitsunut oqilisaassivigineqartarneq pillugu Inatsisartut inatsisaanni nr. 15-imi 23 november 1989-imeersumi §§ 2, 8 aamma 11 naapertorlugit makku aalajangersarneqarput:

Inunnut Kalaallit Nunaata avataani najugaqartunut tapiissutit.

§ 1. Tapiissutit inunnut Kalaallit Nunaata avataani najugaqartunut, ilinniakkaminnillu naammassinnereernermikkut ilinniarsimasaminnut attuumassuteqartumik imaaliillaannaq Kalaallit Nunaanni suliffittaarsinnaanngitsunut tunniunneqarsinnaapput. Tapiissutinik qinnuteqartup namnineerluni uppersarsagassaraa ilumut suliaq ilinniarsimasami Kalaallit Nunaanni atorfinissutigisinnaanagu, soorlu atorfinniarluni qinnuteqaatit itigartinneqarsimasut uppersarsaatitut saqqummiunnerisigut.

Qinnuteqaat.

§ 2. Ilinniagaqarnermut akiitsunik taasersuineranut tapiissutit ukiumoortumik qinnutigineqartassapput Pisortaqarfiup qinnuteqarfissatut immersugassaq akuerisaa atorlugu. Immersugassaq taanna najukkami suliffissarsiuussisarfiimmit pissarsiarineqarsinnaavoq.

Imm. 2. Qinnuteqaat Pisortaqarfimmut nassiuunneqassaaq ukiup akiliiffusimasup kinguliani 1. april nallertinnagu.

Imm. 3. Qinnuteqaat paasissutissanik makkuninnga imaqartinneqassaaq:

- 1) Ateq, cpr.nr. adressilu. Sumi najugaqarnermut uppersarsaat ilanngunneqassaaq.
- 2) Akiitsut suut taapiissuteqarfigineqarnissaat qinnutigineqarnerisooq. Namminersornerullutik Oqartussat qularnaveeqqusiisuliullugit aningaaserivinnit atukkat pineqartillugit aningaaseriviup aqqa, kontollu normua ilanngullugit nalunaarneqartassapput.
- 3) Ukiumi akiliiffusussami isertitat naatsorsorneqarneri. Akileraarusigassatut isertitat nalunaarutiginerat akileraartarnermi oqartussanit uppersarsarlugu atsiorneqarsimasooq ilanngunneqassaaq.

Imm. 4. Qinnuteqartup sumi najugaqarnera nalorninarloqarpat Pisortaqarfiup nunaqarfimmi isorliunerusumiluunniit sumi najugaqarneq erseqqinnerusumik uppersarsaqqusinnaavaa. Uppersarsaat piumasarineqartoq taanna tunniunneqanngippat qinnuteqartoq illoqarfimmi najugaqartutut isigineqassaaq.

§ 3. Nalunaarummi matumani "nunaqarfiit isorliunerusullu" eqqarsaatigalugit oqarnermi makku pineqarput, takuuk Inatsisartut inatsisaanni § 4, imm. 3:

- 1) Kangaatsiap, Uummannap, Upernaviup, Avanersuup, Tasiilap Ittoqqortoormiillu kommunii,

2) Kalaallit Nunaanni kommunini allani nunaqarfiit, kiisalu

3) Kangerlussuarmi najugaqarfik.

Imm. 2. Illoqarfiit kiisalu "nunaqarfiit isorliunerusullu" agguataarneri allanngussagaluarpata tapiissutit annertussusissaannik naatsorsuineri ukiumi akiliiffusussami 1. jull agguataarisimaneq atuuttoq tunngavigineqassaaq.

§ 4. Nunaqarfinni isorliunerusunilu najugalinnut tapiissutaasartut annertoqartaannik tapiissutisisoqarsinnaavoq, qinnuteqartunut ukiumi akiliiffusussami sivikinnerpaamik katillugit qaammatini qulingiluani nunaqarfimmi ataataimi arlalinnilluunniit najugaqarsimasunut imaluunniit isorliunerusuni ataatsimi arlalinnilluunniit najugaqarsimasunut.

Ilinniagaqarnermut akiitsunik isumakkeerfiginninneq.

§ 5. Ilinniagaqarnermut akiitsunik tamakkiisumik ilaannakortumilluunniit isumakkeerfiginnittoqarsinnaavoq, qinnuteqartoq akiliisinnaaernerminik periarfissaarussimappat. Akiliisinnaanermut periarfissaarussimasutut isigineqaataassapput qinnuteqartoq qinnuteqarfissaq nallertinnagu ingerlaavartumik sivikinnerpaamillu ukioq ataaseq Inatsisartut utoqqalinersiuteqarnermut, inuutissarsiorsinnaajunnaarnersiutitut pisortanullu ikiorsiissutit pillugit peqqussutaat malillugit imaluunniit peqqussutit taakkununga assingusut nutaannerusut malillugit pisartagaqarsimanerit.

Imm. 2. Akiliisinnaanermut periarfissaarussimasutut aamma isigineqarsinnaavoq, qinnuteqartoq ukiup ataatsip ingerlanerani annertussusilerikkani ikiorsiisarneq pillugu Inatsisartut peqqussutaat peqqussutilluunniit tassunga assingusut nutaannerusut malillugit pisartagaqarnissaminut periarfissaminik nunguutsisimappat, aammalu qinnuteqartoq allatigut sulinermigut isertitaqarsimanngippat.

§ 6. Ilinniagaqarnermut akiitsut tamakkiisumik ilaannakortumilluunniit § 5 malillugu isumakkeerneqarnissaannut piumasarineqarpoq qinnuteqartoq allatigut aningaasanik isertitamigut aningaasanilluunniit uninngasuuteqarnermigut akiitsunut matusissutissaqarsimassanngitsaq. Akiliisinnaajunnaarneq piffissami sivikitsuinnarmi atuutissappat akilersuiuneq ernialersuinerlu unitsinneqarallarsinnaapput.

§ 7. Ilinniagaqarnermut akiitsut ilinniagaqartup toquneratigut isumakkeerneqarnissaanni piumasarineqarpoq pigisani qimatani akiitsunut tamakkiisumik ilaannakortumilluunniit matusissutissanik peqassanngitsaq.

Imm. 2. Ilinniagaqarnermut akiitsut tamakkiisumik innarluuteqalernerminni isuntakkeerneqarsinnaapput qinnuteqartoq tamatuma nalaani siunissamiluunniit isertitaqanngippat, aningaasanilluunniit uninngasuuteqarani akiitsunut tamakkiisumik ilaannakortumilluunniit matusissutaasinnaasunik.

§ 8. Qinnuteqartup nammineerluni atukkamigut immikkut ajornartorsiuteqarnini tamakkiisumilluunniit innarluuteqalersimanini uppersassavaa, matumani siunissami isertitarileruntaagassaminut tunngasut ilanngullugit. Akiitsut isumakkeerfigineqartussat 10.000 kr.-nit amerlanerusut pineqartillugit isumaginninnermi oqartussanit pissutsit ajornakusoortut pillugit oqaaseqaat ilanngunneqartassaaq.

§ 9. Ilinniagaqarnermut akiitsut Inatsisartut inatsisaanni § 8-mi pineqartut isumakkeerneqartussat inummut ataatsimut 150.000 kr. sinnersimappatigut Naalakkersuisunit akuersissutigineqartassapput. Akiitsut 250.000 kr. sinnersimappatigut Naalakkersuisunit akuersissutigineqartassapput.

Atortuularsitsineq.

§ 10. Nalunaarut atortuulersinneqarpoq 1. marts 1990 aallarnerfigalugu, ukiumilu akiliiffiusussami 1989-imi atuutissalluni.

Nuuk, 13.marts 1990

Jens Lyberth

/

Ejvind Christoffersen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut